

弱

水

集

弱水集卷十四 七言絕句

蒲城屈 復悔翁著 曾孫 來泰志同錄

長洲馬 璞授疇 錢塘曹 基令譽

武陵陳長鎮宗五 評 受業 江寧王 山蘭谷 佼

山中 三首

古樹陰森一蓋青  
山人以此當茅亭  
亭中時有薰風入  
遙見雲飛向北溟

谷轉溪迴山外山  
白雲香草向人閒  
牧兒亦解紅塵事  
騎得羝羊學做官

一走風塵十里遙  
隔溪桑甚如葡萄  
樹低垂手可能摘

懶慢無心過石橋

人人能解  
人人難解

楊柳枝

青山烟樹傍溪津  
風起楊花遠趁人  
曉月殘陽樵豎臥  
年年空度可憐春

明妃怨

燕趙女兒桃李花  
雙飄紅袖抱琵琶  
春風樓上彈新曲  
誰爲明妃怨漢家

入門各自媚誰  
肯相爲言別解

明妃

陰山一去紫臺空  
環珮何勞怨朔風  
漢帝六宮春草碧  
只今誰在畫圖中

一女子耳因出塞一事  
遂不至與草木同朽腐

十月齋中盆菊始作花

昨夜風寒雪似霜  
寥寥天地一枝芳  
安能終寄人籬下  
隨例年年九日香

雜詩 三首

空山踈放到黃花  
冷露生香沁石芽  
蝴蝶却嫌秋色淡  
夜來和夢宿誰家

一曲方塘蔓草封  
深愁風雨老芙蓉  
花開只在空園裏  
遮莫寒烟幾萬重

茅簷低小與人齊  
檢點琴書日又西  
燕子自來還自去  
空梁猶爲護香泥

江村茶舍題壁

手種梅花帶草亭自搖雙槩載中冷中秋重陽都過了  
雪滿寒江著酒經

真州南郭濃陰岸幾渚紅蓮一舍香江上清風最相識  
水流直送到階涼

聽演牡丹亭傳奇

一夜牡丹亭夢長千鍾不醉爵金香相公老去猶惆悵  
信有婁江俞二娘

此曲已經百回聽春花秋月總纏綿少年有夢有尋處  
座上人今非少年

世傳牡丹亭刺雲陽子而作然大舍相君實先令家樂演之且云吾老年

人近頗爲此曲惆悵假人言可信相君雖盛德有容必不肯於綠野堂中晏樂也 同時婁江女子俞二娘酷嗜其詞斷腸而死故臨川作詩哀之云斷竹搖金閣真珠棄繡窻如何傷此曲偏只在婁江

四時園情

春曉窻前對鏡時落花一片入簾垂須臾粧罷薰香坐忽歛雙蛾別畫眉

尋思池上晚風香荷葉陰陰好是涼行到垂楊忽住立年時花下有鴛鴦

長夜清光沒曉天廣寒宮殿羨嬋娟將針斜刺窻檣紙影入深閨圓不圓

雪打簾櫳冷玉臺臨粧少進盪寒盃鏡中逸世桃花色

還惜兒家淡粉腮

自負不淺

題李克山詩集後

孤帆清露近中秋東海紅霞上虎邱一卷擘晤情未了

桂花香裏月如鈎

無一字稱詩而詩佳絕已見

慈烏淚冷情難盡飲羽聲高硯欲穿枉惜荆山一片玉

知予何日是豐年

克山祖武榜眼

若云可惜荆山不知何日則常語耳

結交行

得莫字

美人神巧負柔荑繡罷紗窻掩面啼錯度金針歷金線

鴛鴦毛羽似黃鸝

全首比體

舊園

五首

女蘿牆裏淡烟空  
黃菊花開竹滿叢  
好是有香兼有節  
連雲廣廈貯清風

露欲啼花花滿烟  
冷風寒日早秋前  
不知景色春多少  
螢火飛來暮雨天

茜紅爛熳翠交加  
一半青苔一半花  
留得孤松醉明月  
女蘿自解老烟霞

日照野花紅閃閃  
風吹叢竹綠蕭蕭  
一種天然秋色裏  
曾經滄海到今朝

夕陽零落古槐春  
無數繁華別樣新  
紅葉何須更芳草  
杜鵑啼殺少年人



以上五首若不注明不知爲悼亡之作蓋音韻悲涼在筆墨之先也

過露筋祠

社湖新月可靈旗月影湖光獨夜時今日浮塵滿天地

娟娟秋水舊蛾眉

浮塵蚊名

重過露筋祠

玉佩珠衣日照梁雷聲忽靜水雲涼前秋曾泊芙蓉岸  
一夜孤舟墜露香

聽歌

予性不喜弋陽辛丑三月泊舟樊水歌者  
貌寢而曲韻獨妙流連竟日爲四絕句

樊水村邊溯綠波梨園清韻駐輕舸不須金谷明珠好

值得飛塵半日歌

不信楊花白勝雪却教雲影碧於天  
遲聲細疊鶯千轉  
絲竹方知謝自然

春來紅豆幾枝生只是無由問姓名  
臺下萬人靜如水  
一時齊賞按新聲

石郎度曲百花香故國花前春晝長  
一出函關三十載  
江南重聽奏霓裳

故鄉有石田廟  
者歌與此同

賞菊 三首並序

同人夜集岳水部宅籬菊正開有王潘少年  
者能爲新聲聽清歌賞名花各填李太白清平  
詞一首卽次原韻打十番一套畢如  
詩不成罰以巨觥半套而予三詩成

春去春留桃李容樽前帝女待霜穠一時誰投遊仙枕  
四屋雲飛夢裏逢

夕烟風靜結寒香秋水流春惱客腸月下已聞天上曲  
夜深沉醉待更粧

無情佳會惜餘歡清韻幽芳子細看打十番聲猶未半  
東籬南斗莫闌干

座客能如青  
蓮閣筆否

瀑水岩卽景十三首

月窟

新月出山只數尺好風上引清輝涼露飛斜白雲欲斷  
不斷雲恨紅蕊香

槐蔭堂

日華初轉午陰涼  
睡覺清風拂玉堂  
枝上新巢正哺子  
慈烏飛去落花香

天橋

山山水水濁入山  
清嫩柳成陰  
橋上行輕薄  
楊花半飛去  
新從天際種流鶯

獨樹庵

嫩綠淺青千萬種  
何如獨樹伴金仙  
春風枝上聞啼鳥  
知是伽陵是杜鵑

烟霞滙

霞比桃花紅似錦  
烟如春水碧于藍  
夕陽自射飛流去  
五色雲來鑄一龕

流觴處

泛泛清清春酒香  
溶溶灩灩自飛觴  
只愁東接天河去  
重醉瑤華玉女傍

齒菖石

山情思藕客還家  
不種紅香種石芽  
擁翠亭前春雨後  
東風吹綠碧蓮花

仙桃磯

天上碧桃初種時  
玉皇親賜露華滋  
如何墮水今成石

逢著仙人總未知

小蓬萊

一石一洲一水聲無花無鳥無春情潮回寄與麻姑道  
新有蓬萊不淺清

說蓮亭

谷口茅亭幾尺長亭邊新種藕花香自言葉上團團露  
不是明珠不是霜

擁翠亭

一溪綠水幾迴環過盡溪聲天地間擁翠亭如曾夢到  
古槐疎柳夕陽山

挹嵐磴

仙山無路有丹梯上逼明星下瞰溪開遍琪花千萬種  
賞心只在數峯西

龍潭

百尺澄潭隱翠微神龍潛處暮雲稀人間炎熱思甘雨  
何不崇朝萬里飛

黃梁夢盧生祠

夢作公侯醒作仙人間那得此雙全如何秦漢真天子  
不及盧生一覺眠

醉雪上人

琴心渴病冷春思誰送文園酒一卮自到洛陽逢醉雪  
更無人看五陵詩

探梅 二十三首

詩中送日酒中眠半入詩禪半酒禪惟有情禪參不得  
梅花半笑白雲邊

白玉牀前聽玉壺美人嬌欲倩人扶不知月出瑤臺上  
雲水蒼茫半有無

冰魂日結碧雲窩最是驚時雪裏過身到羅浮仙夢遠  
見園風物夜如何

骨瘦肌清淡有神拂雲枝上半含春他時欲嫁林和靖



飄盡寒香不見人

灞陵雲散減詩情  
羸得詩魂瘦洛城  
只恐春風零落盡  
莫教白雪怨流鶯

一自孤鴻聲念羣  
冰清玉潔獨逢君  
如何半發山窻下  
羞作梨花夢裏雲

夜來入夢暗聞香  
驚起呼童負錦囊  
一片春雲含瘦影  
依稀和月照空牀

庾嶺春情在洛陽  
日高睡起凍雲黃  
有人笑說江城裏  
開盡春山萬樹香

霜中漸放雪中香  
雲氣無端壓竹墻  
賺得山翁狂欲死

鐘聲催月下斜廊

香雲浮動落誰家一帶疎籬日又斜玉抱冰心應有托  
洛陽春酒正堪賒

雲催雪壓多新恨香冷吟寒識舊愁處士前身原水部  
洛陽今日卽揚州

嵩雲秦樹兩淒淒日夜空聞翠鳥啼訴與新愁渾不管  
夜深隨月過樓西

去國離家萬事空隴頭音信隔雲鴻夜長如醉心如死  
香滿何須待曉風

洛陽城裏看梅花不遣狂夫不憶家來歲如今香滿地

孤雲知是在天涯

月妬清標雪妬香風昏雲黑妬詩腸  
浼他空酒長門泣  
春到南枝又渺茫

月落烏啼凍徹  
惻雲山千里  
一身孤江南江北  
花千樹  
除却襄陽總是無

銀箭金壺玉漏遙  
雲移月又過溪橋  
今年誤却春消息  
不敢將心托柳條

淺水寒沙空所思  
同雲釀雪月來遲  
石橋南畔經行處  
已覺春生第一枝

琪樹照人人似玉  
冰心如水水如烟  
無端相值雲遊處

如此風光豈偶然

擬寫風流畫裏看  
偏留消息海雲端  
暗香已似曾相識  
蝴蝶欲來香又乾

正是開時雪又曾  
石林門閉骨峻嶒  
倩雲說與閒猿鶴  
瘦盡冰肌不似僧

一夜雪深石徑開  
高燒紅燭照蒼苔  
香泥多半啣春燕  
漫逐桃花帶雨來

孤芳聞道薄雲天  
生長花宮二十年  
爲問含香真入定  
詩瓢椎碎學秦禪

一塵不染無情有情  
首首用雲  
晚唐風調初唐聲韻  
字有意

南隣三首

日日香風甕底春  
柴扉曲逕隔南鄰  
千回不厭高陽侶  
潭水桃花村裏人

博浪沙南雲欲迷  
博浪沙北雲復低  
醉來雲去落何處  
風起沙飛日又西

水落河平雪滿灘  
北風吹斷草根寒  
三冬最有王孫餓  
索酒南隣當一餐

劉伶墓

五斗寒泉醉石麟  
斜陽芳草獨傷春  
誰知四海橫流口  
尚有竹林容酒人

酬蔡甘泉進士入都留別詩兼訊新安

雲裏笙歌一氣開  
仙風吹下鳳凰臺  
天教不鎖長江水  
飛出金陵玉樹來

花滿春風帝里看  
綈袍誰念舊霜寒  
廣西御史如相問  
爲說遼陽老幼安

古寺

古寺無僧白晝陰  
重來淒斷百年心  
青山不改春風路  
黃葉蒼苔一尺深

宿雷伊蒿先生故居

月在藤蘿古樹家  
滿庭空翠濕窻紗  
秋風只爲來時晚  
零落堦前水桂花

除夕

綠酒催花羯鼓頻，鄉心先醉未歸人。  
樽前亦是空相憶，明日明年似去春。

無字碑

秦始皇遊泰山所立其石黃白色高二丈許在玉皇頂疑非泰山石

萬古風吹靈雨香，秦碑無字碧苔荒。  
人間總爲奇文妬，泰岱峯頭問玉皇。

賞玉蘭花

海水西流不作瀾，日光東下無炎寒。  
人生得得愁如此，誰解春風醉玉蘭。

偶作

二首

夕日墻東映晚霞  
兩溪春水一溪斜  
生憎宛轉芭蕉影  
只見天桃半樹花

亂雲挾雨度江流  
坐到天寧古寺秋  
十萬人家走東海  
不知月過白沙洲

湖上雜詩二十二首有序

乙巳夏寓燕之淨業湖上汗雨塵流行敷武衣  
袖卽墮泥土中然亦無可往處閉門而已荷始  
葉及花皆有香氣從水際飛來留几案間不去  
岸柳鄰槐接陰窻戶若涼棚然天施地設不煩  
人力日坐清風明月下卽事命題日課二三門  
人輩老夫偶和而示之六月初積雨毀墻屋遂  
居移

夏日



水邊楊柳蔭飛簷上有燕姬唱是鹽誰在洪爐能不喘  
一天烈日避珠簾

偶過空明榭

凝碧池頭雲是水玉溪宮裏氣如秋一簾新月空明榭  
露冷蓮房詠玉鈎

望官路車馬

烈日然塵似著緋紛紛車馬有光輝歸來避暑湖亭夜  
夜夜飛蛾撲燭飛

苦熱

北風雨雪沒長陂壓折梅花又一時惆悵欲餐餐不得

六街忙殺賣冰兒

插荷花瓶中

折得荷花香且姝  
素窈淨水露如珠  
人生亦是無根蒂  
蓮子成時是鼎湖

曉月

繞湖珮馬待朝天  
看月幽人尚未眠  
幾點殘星光在水  
數聲清角淡於烟

蚊

荷花香裏水雲棲  
刺骨蚊雷日向西  
一段江南好風景  
血痕直到曉鶯啼

荷錢

四月露花如細雨滿湖嫩柳抱明珠及時不買銀河水  
圓葉成陰得藕無

清夜鐘聲可發深省  
共如錢虜不識字何

夜雨

十萬人家一夜涼綠荷聲裏似瀟湘連天花氣皆成雨  
獨隔紗窻暗辨香

晚望

紅藕無花水淺清那堪荇藻又交橫漁人收却絲綸去  
立盡斜陽遠恨生

觀刈青蒲

柳岸微風信晚涼  
葦茸漸碍水花香  
人生年少須回首  
四月腰鎌不待霜

宿鷺

白鷺真成白雪衣  
月中獨立水生輝  
偶來一勺貪魚子  
萬里江湖夜不飛

因是自傷然  
如此者不少

鄰家彈琵琶

柳外佳人夜若何  
清風吹月漾金波  
如今四海爲家日  
莫譜明妃出塞歌

新安評立秋詩非空非色卽空卽  
色深入無評三昧吾於此首亦云

玩流水

北望玉泉山勢高  
東來日夜注空壕  
如何亦受溝渠水

流入宮墻作海濤

聞歌

黃鸝新調最娉婷  
馬客金錢水建瓴  
今夜清風度荷葉  
何人月下問秦青

端陽

萬戶涼雲開綺筵  
風吹細雨濕青瓊  
榴花欲攪幽州夢  
直送端陽到枕邊

啣泥燕

春雨梨花事已非  
紅塵紅盡力應稀  
湖邊尚有香泥在  
肯傍朝陽宮殿飛

臥柳

急雨雖傾未死時  
亭亭百尺臥生枝  
綠烟綠水留鶯語  
扶起春風欲待誰

曝衣

古人曝衣七月七  
今人曝衣六月六  
滿湖新集芙蓉裳  
人笑悔翁未免俗

曝書

四海無家有斷編  
蠹魚兩地飽神仙  
蒲郊俱有書千餘卷寄友人家  
隨行一卷惟黃石  
爛在腹中三十年  
無一字及曝書其妙難言

夜月

炎暑月出涼無風  
迷迷離離烟水空  
何人獨釣柳陰下  
驚起伯勞飛向東

移居

三月四月看荷葉  
五月六月看芙蓉  
堪恨人心不如水

水流花發又移居

以移居結

西湖絕句 十四首

白雪盈頭尚一身  
天涯三十四回春  
重來獨向吳山立  
只有西湖是故人

清波門外淨無埃  
水色山光並似苔  
此日蘇堤堪獨住  
白雲逢着水邊來

山青水綠兩娟娟  
貪看桃花不放船  
秋日太遲春太早  
何曾得見並頭蓮

南高峯對北高峯  
兩箇高峯高幾重  
盡向湖中看花柳  
有人山上看青松

行盡綠雲絕磴回  
青山老衲共崔嵬  
泛湖不到韜光去  
只似不曾湖上來

橫分天漢通南北  
桃柳新栽堤姓蘇  
正是石泉槐火候  
黃鸝似說住西湖

桃花李花花亂飛  
花霧空濛濕人衣  
南屏山下淨慈寺

盡日鐘聲連翠微

遊人至寺無  
不鳴鐘者



左有長江右有湖萬松嶺上一松無心知捲地春雷動  
寂寂空山叫鷓鴣

亂雲匝地草連空不聽遊人說舊官百尺無心銀杏樹  
黃昏似在野花中

白公堤畔繫扁舟不見蓮花見白鷗花自未來鷗自去  
一湖春水莫勾留

山裂雲崩海有門一堆白雪動乾坤暫時休懼初來客  
看到長江舊落痕

積雨晴時竹影深碧桃猶蔽古牆陰好花開到無情處  
獨寄春風與客心

忠肅祠前猿夜啼岳王墳上草連堤此情有跡無尋處  
雲過西湖更向西

鶯花應厭力稀還畧過湖亭半月閒夢裏不知身已老  
亂雲飛馬上天山

凡一題數十首者  
往往結處出奇

清明

兩月風雨幾朝晴人家祭掃湖上行桃花杏花歲歲好  
清明難得是清明

連歲清明  
皆風雨

看薔薇花

積雨連山長綠苔薔薇花發少人來明年尚有春無限  
不是天晴莫亂開

題酒家壁

懶思舊事踏春陽  
蕭九娘家花露香  
可惜東京宋大嫂  
魚羹味好在他鄉

刺高宗之不能復  
讐也意深宛轉

客去

送迎又到日西斜  
愧此虛名亦有涯  
一院香烟浸明月  
夜深來看牡丹花

別陳於立樞

雲山得得赴杭州  
却別丹旌事遠遊  
江上薰風心上淚  
布帆西去水東流

別西樓

坐看湖光臥聽潮重將簾捲只今朝西樓尚欲留人住  
可見蓮花遍六橋

別吳山

飯餘茶罷晚風清日日吳山頂上行今夜月明應入夢  
扁舟載得越王城

別西湖

西湖何事善勾留兩度春光一度秋直到鷓鴣啼不住  
薰風方送木蘭舟

三首見不欲  
別西湖也

過蘇州

春風花柳蘇州城夜夜笙歌滿月明此地何曾有麋鹿

會稽山下烏啼聲

館娃宮

館娃宮裏柳啼鴉青眼應曾見館娃欲折春風問麋鹿  
吳兒千遍種楊花

天童寺雜詩

雨漲清泉水不清沾泥觸石咽新聲山深亦有相如渴  
一夜鑪紅鼎未烹

泉

滿山修竹古時烟人世無人問石泉更欲移根種雲際  
醉鄉舊有洞中天

竹

白雲到地作溪流不泛桃花不渡舟紅日無根生海底

一南一北又經秋

雲

月在西山日未出蒼松無影向春榮臥聞風起知天曙

萬壑千崖作雨聲

松

堂前雙燕到秋歸泥落空梁不污衣此地江山連禹會

明春早向海西飛

燕

五首皆  
非徒作

贈曾少之孝廉

二首

西江渭北各雲天一諾任城偶泊船明月去人只萬里

秋風吹墮酒樓前

少之一見于卽  
傾囊假路費

倩遍春風借一枝塵埃花落鳥啼時只應天上三珠樹

容得南城曾少之

感舊 有序

癸丑同里王孟敏子斗樞計偕至燕往與若翁  
及舍侄子克潤博姪孫季韜輩朝夕聚首皆倍  
長予年諸人相次淪歿獨子猶飄泊困悴斗樞  
僅少予三歲亦白首下第又潤溥子壻子克內  
侄親戚情殷昔遊如夢生死  
隔絕感新懷舊作詩二首

卽無明月好花前阻隔羣居亦偶然忽聽鄰家吹玉笛  
遙遙風雨暗秦川

杜鵑血染啼鳥淚椿影風寒桂子秋  
逢我悲歌泣燕市  
落花時節雪盈頭

友誼居何等

顏行人七十徵詩二首

星使天高不見文  
時見示詩集  
安知野鶴在人羣  
滿堂春酒

香如霧隔霧遙看是白雲

三山渺予引仙源綺席今開紫陌樽正是清風生陋巷

杏花春雨長蘭蓀

皆諷其歸也

寄頴禪師

城東桃李有餘香四十年來夢洛陽雲散雪飛無處所

春山如畫晚蒼蒼

孫雲霞茂才醉雪禪師皆物故

題謝高士詩集後

碧雲棟宇碧窻紗字字新香出謝家白玉膽瓶注秋水  
一枝閒殺海棠花

贈謝高士



生成九月屬黃花

九月試博學鴻詞

啼殺三春上苑鴉今日謝

村紅葉樹青楓分與半天霞

溫涼泉

在萬全縣西南五十餘里平地湧出冬溫夏涼南流入洋河與海內諸湯少異

物情冷暖逐年光一水清清湧野塘不是漁陽停蹕處  
渚花汀草背人香

論詩絕句 三十四首

不測銀河問玉皇人間江海總難量一言一點源頭水

誰奉尼山一瓣香

思無邪夫子讀詩秘教也一詭道破

李陵蘇武少陵師不掩曹家橫槊時安世房中傳樂府  
漢皇開國勝男兒

李杜文章妙入神中原逐鹿幾千春  
捉刀猶帶英雄氣遙想嚴公第一人

難將成敗論人文語出賢豪氣逸群  
若許並州劉越石六朝誰不少風雲

紙墨生花菊有芳門前五柳傲寒霜  
池塘何意生春草持此秋風亦自香

江東王謝起烏衣庾鮑清新接翅飛  
孔雀漫矜金翠尾神龍有首謝元暉

梅花未咏咏芙蓉得意何郎玉不如  
莫道風流容易賞同時沈范兩尚書

空裏閒雲首尾無一鱗半甲有何殊滿城風雨吳江冷  
可是驪龍領下珠

詩不論全篇命意止  
取一字一句失旨矣

雲霞映日獨高懸萬古無名十九篇漫說江郎才已盡  
數篇擬錦尚天然

百年風雅百蟲鳴正字功高氣一清但聽途窮人痛哭  
蘇門長嘯鳳鸞聲

東南孔省自高飛盡學邯鄲步總非惟有北征貫日月  
遙從天漢載支機

才高八斗兩天人語不驚人泣鬼神海岳何曾有高下  
微兒偏袒總難論

昔人已乘黃鶴去，王濬樓船下益州。  
一時定與爭衡事，萬古崔劉居上頭。

文章有短長，不在一門一派。

白玉黃金字，俗生李侯佳句似。  
陰鏗自從風引三山去，何處菱花似月明。

一代高才老嫗傳，却嫌脂粉澆天然。  
人間那得真西子，顰殺雙眉諸少年。

學白者，可省。

羚羊挂角看無跡，流水空山月似鈎。  
自是學仙有仙骨，劉隨州與韋蘇州。

瞎馬盲人大道邊，華裾織翠錦鞍鞦。  
詩家誰識西崑好，楚雨含情別有天。

無思無邪之詩。

吏部文章不可攀  
新詩盤硬詠南山  
惟將郊島名寒瘦  
今日吾其季孟間

老子韓非竟比肩  
玉樓一名豈無天  
爾曹鬼怪徒相儷  
恐是人間又謫仙

天津橋上杜鵑聲  
啼得中原萬事傾  
此興由來是何物  
歐梅猶自近人情

大海無波天地浮  
從來風雅尚溫柔  
東坡才氣雄難敵  
滾滾黃河日夜流

新聲溫李莫輕談  
面壁無功不易勘  
安得涪翁扛鼎力  
鯨魚碧海更須參

遊速不關騷雅源  
驪珠高會亦同論  
何堪盡學陳無已  
世上於今盡閉門

鴛鴦繡出一生心  
野史亭中帶淚吟  
今古寧無煉石手  
補天原不用金針

虞陽范揭當時體  
一代清規伯仲間  
忘却雷溪有真隱  
尹邢心自愧朱顏

江左風流事已遙  
當時金粉尚魂消  
從他唾點流傳在  
畢竟何人見六朝

先知兵馬備遼東  
撼樹虬蜉恐未公  
俊逸終憐何大復  
判豪不羨李空同

易之集  
卷一  
江瑤佳味食堪多今古其如萬首何北定中原臨絕筆  
夜臺亦有渭城歌

三代而還盡好名文人自古善相輕鍾譚死後虞山出  
從此前賢畏後生

三百年來碧海中錢郎彈射一空同青蠅白玉蚍蜉樹  
稍喜漁陽許勁弓

萬紫千紅粲以繁野花結子也堪殮苦將心力成孤詣  
不敢隨風薄宋元

遠宗樂府步邯鄲近鑿如豨咽廢餐自是無人求古意  
月明河海大江寒

文章生死判升沉  
憶奉漁洋邁古今  
此日盡譏好聲調  
披沙那肯揀黃金

好花一樹幾枝紅  
只在佳人採擇中  
辛苦世間莽兒女  
拾將零落罵春風

此與結  
有餘味

送李生之郟城

山城每入畫圖中  
栗實纔黃柿實紅  
有口飽餐千百顆  
君行時節正秋風

驛路風塵幻若仙  
惟餘珠桂勝吳天  
故人家似桃花洞  
此地萍飄五十年

聞鶯



隔牕檐溜泛春聲日望湖雲不望晴  
夢覺方知霽涼雨  
吳山山半睡聞鶯

茅家埠

茅家埠晚水雲封西壓西湖山萬重  
便自冷泉過靈隱  
閒心飛上北高峯

六橋

六橋桃柳本無主若個能來便是賓  
口日滿湖泛舟者  
胸中未必果關人

鳳凰山

有情春色向人閒無意陰雲入暮還  
野鳥啼花獨歸去

月明不照鳳凰山

雨晴

雨晴山色拂雲流一碧亭臺影倒浮莫向此中間靈境  
烟花風柳古杭州

金錢

金錢誰道委泥沙都付湖邊賣酒家今日滿城又何處  
鳳山門外放桃花

淨室

絕壁開雲雲護闕回看來自亂峯間松花深院焚香處  
只見新篁不見山

與門人曹勉仁坐六一泉

流鶯空喚滿湖船  
沒箇人遊六一泉  
同坐石邊看流水  
歐公不負識坡仙

聖因寺

孤山一撮水雲居  
半是亭臺半佛廬  
又爲遊人添勝跡  
行宮鐘磬滿清虛

寺前日日踏春沙  
何處堪容處士家  
太乙真人如可學  
西湖六月有荷花

苦雨

看梅河渚正當花  
纔到東風雨葳華  
一月吳山聽細雨

春光飛向阿誰家

寄友

喫虛風雅任追攀  
冰雪心知長是閒  
十日西泠五河渚  
曾無半日到吳山

賽西湖

放顰疑是世間無  
半畝池塘柳幾株  
那有西湖輕賽得  
遊人皆號賽西湖

第一樓

自見行宮法雨流  
滿城無日不春遊  
又添勝地留人醉  
禪寺新開第一樓

對月

一週甲子月圓時坐見山河影漸移  
便向廣寒宮裏住  
嬋娥白盡鬢邊絲

讀劉蕪村學士見懷詩四首

清江浦上引清風却引三山入望中  
明月滿空淮水碧  
輕舟泊在廣寒宮

天留片玉彩雲間白鶴飛來誤我閒  
直到夢魂無着處  
屋梁落月滿崑山

梅花官閣無非雪楊柳紅橋有底春  
香徑不隨流水去  
城南芍藥怨佳人

筆有花開夜欲闌  
無人解向月中看  
峩峩十丈天山雪  
澗底青松特地寒

五月十三夜  
夢筆端生牡丹  
花數朵覺後復夢如  
前詩以記之

著書盈案未名家  
只合窮愁老海涯  
魂夢近來顛倒甚  
筆端偏放牡丹花

紅雲朵朵放毫光  
珠樹琅玕捧玉堂  
中有群仙相對語  
一花自可擅天香

瀟瀟梅雨夜  
霏微忽覺瑤臺月  
入幃四屋雲烟驚  
坐起餘香猶繞研山飛

萬靈飛去忽飛來一管橫空花又開  
兩度無聊相戲耳世間豈有鬼憐才

片石山房詩八首

數弓曲折費徘徊片石居然萬壑開  
欲倩移山天外力蓬瀛隨我自飛來

夜來踈雨過城頭山下清池山半流  
千里長江靜春浪玉欄閒倚看魚游

春江一曲柳千條二十四橋中幾橋  
水盡山窮橋上望

青山隱隱水迢迢

唐句

名園正好記江鄉  
賸水殘山過洛陽  
一片平泉醒酒石

滿城花木幾時香

杜臆水滄江賦  
凌山碣不開

菜萸灣頭菜萸水芍藥園上芍藥花到得香風吹遠浪  
揚州春色屬誰家

花發木蘭香欲然閉門何用木蘭船主人雅素如春水  
不種紅蓮種白蓮

玉樓十二挂清虛合有仙人樓上居好水好山收拾得

廣陵城裏一樓書

牧禪師  
造此園

偶隨仙令過茲亭綠酒清歌醉不醒醒後看詩因坐久

四壁多  
贈詩

將歸猶戀一峯青

賽會竹枝詞十二首

弱水集

卷十四

七言絕句

三



城隍土地讓都天骨董誰家更直錢忽報裝來新故事  
逢人說是活飛仙

雨汗淋漓暑莫當旌旗車馬亂成行看來人鬼俱相戲  
金粉翩翩各自忙

半朝鑾駕擺生人名列陰曹事鬼神帶得金冠衣錦袖  
衆中忘却世間身

班班錦繡亂相爭第一風華傘滿坡幾陣花香神喝彩  
菜梨梔子太多情

諸色傘多至數百柄有菜梨梔子  
各樣時花穿成者爲奇傘夫闌爭近

神者  
爲勝

老嫗少婦各相邀同看迎神廿四橋無限如花小兒女

半遮紅袖吃元宵

巫說神言不厭多朝朝賽會樂無那昨聞鬼使傳靈語  
我費金錢有幾何

神去神來神御風賽來賽去會無窮年年好在神相似  
只恐年年會不同

不來迎會死門闌只怨嫦娥在廣寒今日街頭陳百戲  
男兒相並兩相看

年年報賽乞年豐三載淮揚大水同一月費錢過百萬  
自然積粟薄虛空

淡素衣衫戲旦兒也教淡淡掃蛾眉無人不道能傾國

空自傾城鬼未知一作未遇時

河伯曾聞娶婦回十風五雨永無災幸他神鬼嫌獅吼

不費吳娃只費財

神來滿城香氤氳神去滿天雨翻盆神去神來巫醉飽

雷霆相關破山門

老看迎神迎市心柳遮花映力難禁誰家少婦頻分解

義北王孫一飯深

姑蘇有懷二十二首有序

泱月宮吳下孤甚前居揚州者三月餘往還亦  
不認數人已覺不至寂寞憶公私同阻雅俗交  
疎即事懷人作絕句各二  
首吾之於世情器可見矣

汪文學可舟

何處桃花湛碧波  
蕪城初到正春和  
故人千尺寒潭水  
幻影浮雲可奈何

名紙毛生事事慵  
一言忽打五更鐘  
泰山携得超滄海  
踢倒玉樓十二重

董乾州彤菴

紅白無情綠水前  
牧童原只愛青蓮  
誰知重見蕪城外  
不改春風故里天

前辛  
吾邑

青笋鱗魚顧渚茶  
班班入口盡鳴牙  
移時便守風流郡  
莫忘同看四照花

江秀才松泉蔗畦昆仲

燕雲江樹見何遲  
脈脈深情隱隱知  
行到水窮山盡處  
客中又是別離時

倡樓盡種宜男草  
市僧公然待女花  
每遇吳江幽絕處  
方看彩筆淨烟霞

錦囊相贈讓梨聞  
記得聰明已絕羣  
霜雪滿頭一作十年來  
心欲死花開三月又逢君

歐陽墨字擅時譽  
獨寫蘭亭迥自如  
吳下詩成漫迴首  
何人爲代數行書

買大學綸音

吳江江月月薰烘月與人今一月同憶得揚州天寶觀  
玉鈎如水是涼風

七碗飲餘渴欲死解衣大叫廢朝餐鑑湖便是清涼藥  
想着荷花六月寒

張大學扶青

方園初放玉池蓮蓮葉蓮花對綺筵一種幽香樽酒外  
先留隔夜渡江船

墨突將黔又入吳未行先爲計歸途到頭肝胆如相照  
何待冰心說玉壺

張別駕蔚同

故里龍鍾遂少年  
驪山佳氣一樽前  
三冬半夜風兼雪  
不浴溫塘五十年

文心如水淡無情  
盡愛金錢不愛名  
未必維揚真紙貴  
黃河萬里忽澄清

劉蘄州慎翁

白玉堂圍城郭重  
何來落雁忽離離  
只題數字殷勤意  
人在蓮花第一峯

當塗曾寫陵雲榜  
司馬難求大令書  
兩字岳蓮遠相寄  
陡然仙掌對吾廬

高揚州景萊

蟬在高枝惟飲露  
蛩鳴落葉只吟風  
揚州太守初相識  
不是清談不是空

肉桂如金此一端  
滄桑三載靖波瀾  
階前頑石渾成玉  
草上香風半是蘭

李孝廉芾思

又向燕山問故林  
懷人江上水雲深  
不將俗態青時眼  
合有清風白素心

行路交情金滿籬  
無心一諾棄平生  
春房劍子龍潭水

遙見雙飛出玉京

曾托買小  
及兩口

高大學鑑亭



貝闕珠宮過水城  
荒村茅舍化蓬瀛  
曾經墨瀦飛爲雨  
紙上涼風一倍清

問途老馬識清才  
細雨微風坐不回  
白渡吳江到才藪  
珊瑚可網一枝來

喜來秦至蘇州十二首

半百貧遊老未回  
望鄉心力盡登臺  
江雲秦樹看無路  
萬水千山愧汝來

驛路三千計未央  
菊花開日好還鄉  
往時孤獨愁行邁  
萬里關山不畏長

墳墓年年祭掃無  
自然不至就荒蕪  
明春得及清明拜

遺恨終悲返哺鳥

祚薄居貧已散星

吾族本聚居北街中落後今散處四方

書香近日更飄

零

吾少時族中科目相繼博士弟子員數十人近惟五七人而已

那堪寥落芝蘭種

族

乏嗣者

遺世憑誰守一經

六親諸戶勝吾門宅相遙憐水有源

諸外孫多貴今幼讀書者亦多聰明

五十年中生死別武夷歸日半曾孫

芳草成叢水有神卽無花月每相諭預愁腹痛通荒野

回首肩隨只兩人

今在者惟族姪鴻儒長子一歲李翰林乾一少子一歲兩人而已

斗大山城扇大天吾家廬舍半通廛餘生能不還鄉里

直上雲霄寄一椽

幾人新富幾新榮  
記得伊家先世名  
河水忽沈寧夏郡  
難爲兒輩語虧盈

喚汝來燕屢寄書  
五年不獨慰離居  
眼穿西北關山路  
却到蘇州七月初

青衿屢冠亦冬烘  
遊覽會聞太史公  
吳越山川秀如許  
莫教飛去貯胸中

桂到秋香月可賒  
汝能識字足承家  
仙源曲阜也自有長  
生樹不是三春富貴花

五十年中開口笑  
秋風鱸膾汝來時  
饑寒歸去無容計  
萬事傷心何所之

蘇州古蹟三十九首

有序

虎邱

二十年中六過斯地約住三月餘皆無詩者我自喪而古蹟自古蹟也白首將歸此別無再至理古蹟仍自古蹟而我自非我矣詩若干首如有知音會心不遠乾隆癸亥七月日識

人逢勝地眼偏青何意還來可月亭應悔高標近城市  
九州第一此山靈

吳宮

今日依然歌舞叢不勞麋鹿弔吳宮鷓鴣春殿如花外  
雲雨巫山只夢中

滄浪亭

水樹交陰弔古情王侯池館暑風清至今留得孤亭坐

兩字滄浪未改名

王氏祠

金谷平泉露易晞  
鐘魚金碧轉增輝  
王家兄弟祠隣近  
鹿洞餘香罨翠微

臯橋

吳市偏傷孤客情  
賃春無地了餘生  
不堪橋下潺湲水  
猶是當年琴瑟聲

烏鵲橋

烏鵲橋邊日已斜  
偶來橋上看荷花  
高飛不到銀河水  
招與薰風渡館娃

楓橋

一過楓橋便泊舟，偶懷張繼已生愁。  
鐘聲那在寒山寺，月落烏啼水急流。

甫里先生祠

簫鼓村村賽水仙，獨來甫里古祠前。  
江湖杞菊種無處，一曲玉塘開白蓮。

五人墓

欲問前朝春草愁，五人有墓感橫流。  
紅輪眼見沈滄海，却挂長松照虎邱。

葛賢墓

有序

萬曆辛丑內監孫隆私設稅官遠近罷市邑人  
葛成奮臂一呼合城響應擊斃從官七人太守  
不忍繩以法成自投曰殺人者抵罪請死守益  
義之易名賢勉繫獄江淮間咸呼云葛將軍久  
之赦免廬五人墓側卒遂葬於此文相國震  
孟傲吳季子書法題碑曰有吳葛賢之墓

死生不傍要離塚路半山塘別有羣天上星流萬秋月  
九原一箇葛將軍

### 吳王廟

廟在香山南陞統二妃侍側相傳卽  
孫武所誅二隊長也又曰愛姬祠

吳苑花飛萬里春吳王破廟貌如新有靈應抱與亡恨  
枉殺當前二美人

### 寶帶橋

寶帶一圍值有涯  
橋成波浪奠浮花  
居人但看中秋月  
閩越初開是漢家

辟疆園

陸羽云辟疆舊林園怪石紛相向後爲任  
晦園皮日休任園詩斜廊夾怪石陸龜蒙

詩後園紛怪石  
今莫知所在

吳中第一辟疆園  
怪石無情不肯言  
獨見逋翁明月在

重來應識武陵源

予晚號  
逋翁

消夏灣

消夏灣頭月一彎  
夜深露下洞庭山  
吳王避後天無暑  
水上鴛鴦相對閒

鄧尉山



山連春雪萬枝斜石逕香消鄧尉家幾度曾經三月住  
花開都不是梅花

姑蘇臺

百丈臺傾盡綠燕看來不信是姑蘇登臨莫道收吳越  
一望何曾見太湖

靈巖山

一上靈巖無限情遙遙雲影落天平湖山另具興亡恨  
歌舞無聲水有聲

採香徑

吳王植香香滿徑吳娃採後香冥冥有香可採無人採

石上青苔蘸水青

響屨廊

誰識客心心自論苔痕石縫見餘春  
總然響屨廊仍在  
多少邯鄲學步人

太湖

短棹孤篷將問渡金庭玉柱爲誰營  
湖光三萬六千頃  
七十二峯空月明

洞庭山

亂山隱隱啟岩扉四面清波落翠微  
果有仙人林屋洞  
不妨騎鶴共高飛

閘門

鎖鑰方開百貨喧  
伐吳平越死消魂  
穿城嗚咽分流水  
猶悔教名破楚門

胥門

城對蘇臺傷客魂  
胥門安得比東門  
目懸不盡沼吳恨  
到處春濤叫斷猿

盤門

春草縈回上女墻  
滿城歌管此城荒  
水邊綠柳思人樹  
花落烏啼滿夕陽

百口橋

東漢顧訓五世同居聚族百口因所居名橋吳  
郡志訓歲朝聚子孫行酒三歲以下並自知位  
次故又名  
試飲橋

漢皇尺布有民誣入境先尋百口橋木石灰飛朝市改  
紫荊花落

採蓮涇

同在蓮涇雨不知採蓮歌罷欲歸時香風飄盡無尋處  
辜負紅裙裏鴨兒

伍相祠

朱戶靈風日滿旗一生心事獨鏤知若非勾踐沼吳後  
無地堪容伍相祠

角里

在洞庭西山漢角里先生所居史記正義云太湖中洞庭山西南有綠里村

烟水何來綠里村  
商山西望隔中原  
百年半在他鄉老  
芝草闌干長故園

張融宅

一世高名兩宅同  
幾人憑弔梵王宮

故跡在今承天寺醴泉楊

柳風流在沛國廬  
江海嶽空

專諸巷

案列鼎羹山畔石盤堆  
珠玉海中潮魚腸變化精難盡  
不是英雄不易招

韓蘄王廟

王墓在靈巖山高宗勅葬有御書碑甚大廟在墓側久廢迨明入祀典祭無定

所官以王舊宅在南禪寺左卽其地祭之後嫌非禮復作廟故塚之南未幾爲山民所毀仍建南禪寺又爲寺僧毀之蓋屢建屢廢云

蕘王遺廟怨何深想像精靈未可沈泉下  
不忘乾淨土數椽終是一生心

胥口

鷓夷不逐水烟消胥口悲風合動搖線  
大太湖拳大石雷霆山岳浙江潮

梁鴻墓

一去扶風生死分閭門有墓是空聞  
秋來我欲還鄉里回首要離塚畔雲

笠塢

笠塢前朝隱者居

明趙凡夫徐元歎隱此

十年惆悵結蝸廬溪山

好住人難住花月香風一卷書

齊雲樓

齊雲名在却無樓成敗何常恨未休多少美人烟焰裏  
杜鵬啼向百花洲

桃花塢

流水平橋望不迷萋萋芳草自成蹊解元未遂瓊林志  
萬樹桃花鶯亂啼

千人石

愛聽中秋玉笛聲空囊催我去吳城十年前在千人石  
一夜清歌直到明

劍池

清遠道士鶴已飛莫言白雲滄欲歸活火煎茶有新味  
劍池泉深汲者稀

真娘墓

生能傾國死猶孀抔土空成蘭麝香未必世人偏好色  
題詩箇箇爲真娘

舊句最是世人偏好色真娘墓上獨題詩

贈寫照徐瑤圃二首

湖海無魚上直鈞一絲夢斷意先秋知君自是經綸手



却賞茲泉貌白頭

此中松栢多於草只寫垂楊老樹秋一釣六鰲等閒事  
靈和他日想風流

消暑詩十六首 有序

吾年二十七出關浪遊今七十有六矣凡一粒  
一絲寸昏點墨皆賴友朋然得力者少矣亥客  
如蘇老病臨蒸獨坐一室揮汗成雨長饑可忍  
而僕怨莫解作絕句若干首其人之死生貴賤  
親疎皆不論意之所  
至在我不在彼也

賀秀才闈然

秀才書記萬全縣宣府王太守偶見子詩數首  
欲刻全集究未一而秀才聞之歎曰闈中乃無  
一人耶慨  
然付梓

薰風吹雨雨欲然雨餘夜深人未眠姑蘇鐘漏聲如火  
朗月清風在萬全

半世交遊欲化烟黃扉青瑣泛紅蓮能教弱水通滄海  
一箇寒儒賀闌然

馬興平授疇

長洲馬授疇客燕京數十年薦舉得官監  
督興平倉善書兼詩古文辭然數奇不偶

歷落欽奇未易人筆花老大識陽春少年自賞經綸手  
揭地掀天豈好貧

劉宗丞蘇村

蘇村任內閣學士督學江南癸亥遇揚州  
屢承枉駕推獎過分知我者稀我何足貴

風塵抵死致鴻辭未見傾心迥自奇不到揚州渾不解  
十年蓬戶閉京師

致齋侍御

致齋起家中書近累遷陝西道御史如水交  
情十年一致予出都日祖道纏綿方知獨厚

儒家自古重知音如水交情舊雨深何用芸牕破萬卷  
人生意氣布衣心

布衣心見後漢書孔禰傳

寄齋尚書

尚書能詩好客所薦士多至臺閣  
退居房山身後為友竟無問者

詩才長白盡金鑲直到尚書勢莫攀萬丈龍門羅雀後  
一潭秋水一房山

少年曾廣絕交論，今古無情枉斷魂。  
白頭落魄走中原。

王司寇貽上

漁洋自云往在京師，天下饋問書歲數百餘封，歸田三載，空書兩封而已。

騷壇消息果盈虛，一拜門生有二譽。  
人世尚留中論在，三年林下兩空書。

咫尺尚書百尺樓，當時懷刺未曾投。  
暗中勢利明風雅，不廢溝渠屈曲流。

趙大史秋谷

秋谷少年登第，風流逸世，以國喪演長生殿，新劇罷歸多一時名士，有一網打盡之嘆。王漁洋

名滿天下秋谷獨著談龍錄譏之後在江南葬  
一不相識人其歛奇歷落如此聞今尚在罵漁  
故洋如

挂劍延陵心許之營喪文季夙相知連城猶是多情者  
自買青山葬畫師

未飲狂泉狂未休談龍錄出砥中流可憐一夜長生殿  
斷送功名到白頭本事詩

曹荔軒織造

荔軒康熙間織造江寧頗禮賢下  
士當時稱之所著有棹亭詩集

直贈千金趙秋谷相尋幾度杜茶村詩書家計俱冰雪  
何處飄零有子孫

彭吏部儀一

儀一久在吏部幾出者再去歲真賜始出  
上方十丈紅塵中辛苦爲文如在山谷

吏部依然行路難  
花開何事雨摧殘  
案頭乾死螢  
牕火清約誰知白日寒

彭員外仲尹

仲尹吏部三弟也爲刑部理識清正剖決如流  
忌者不能中傷弟兄同爨多積債獨任家事雖  
生魚懸磬不以告人

身着狐裘內苧麻人推員外綺羅家  
幽州十月膠堪折  
就我燈前咏菊花

彭兵部磬泉

磬泉仲尹四弟也以省元入詞林散館得兵部  
主事非其好也乞假省親讀書山中他日以古  
文詞名當世  
者其在斯乎

齒牙長嘒墨花香香氣飛爲日月光敢與唐賢詩共集

眉山山下外兵郎

磬泉臨行時錄子詩與唐賢數人共一集攜去

三蘇父子耀西川今日眉山異昔年夜半弟兄同吮筆

滿庭風雪一燈前

留別徐孝廉賓四二首

兩月棲遲早識君病餘幾日細論文風前紅雨春流影  
冰底青山翠度雲

黃鵬坊外黃鸝語烏鵲橋邊烏鵲飛必竟鳳凰山色好

一天文彩送將歸

別寓齋二首

六月間庭月一圍  
梧桐葉落雨霏微  
濃陰深處有時見  
么鳳無雙來去飛

秋入吳江催掉回  
蓮花曾見客初來  
他年夢到淹留處  
露透紅珠相向開

發蘇州

梧子黃時梧葉愁  
吳王城郭水分流  
東南霸氣消沈日  
一挂孤帆大華秋

留別吳生四首



桃花潭水到於今湛湛長江深更深白首交情渾不解  
世人誰不重黃金

悔不學書王右軍天門鳳閣豈空閒從茲朝暮心香墨  
夜半飛來五朶雲

近來老眼漸蒙紗看字如看霧裏花古帖雖非青玉案  
報君吮筆祭雲霞

待看紅葉去江東紅葉深紅映淺紅玉露何曾到楓樹  
杜鵑聲裏一帆風

別王六章

十霜一暗各風烟笑上吳江北渡船渾似不曾抱離恨

心高三十三重天

舟中野望

山情水意玉生烟  
江畔人家月上弦  
一段羲皇新夜色  
風帆直過暮秋天

送王山客還漢口

揚州城裏時相見  
金粟堆邊有故鄉  
西望漢江送歸客  
於今涇渭是瀟湘

君自秦人忽楚人  
吾家楚國却居秦  
江河同是東流水  
兩地歸心何處真

東園九首

日日隋堤看柳絲  
夜來新雨漲新池  
揚州春早無尋處  
却在東園雲淡時

香風出井曉煎茶  
琪樹新栽欲着花  
第一清泉有真味  
贈君蘸雪喫東瓜

見關神元一漑功  
銀灣影落卧長虹  
此州原有梅花嶺  
合結香雲砥雪風

瑤圃隔簾亭未就  
春風纔動水先香  
看渠那得空房在  
佳藕深深徧玉塘

仙人是處有高樓  
樓外溪聲漢水流  
一片白雲無長物  
如何騎鶴到揚州

翛然亭上隔江山。江自飛流燕子閒。北望隋堤千樹柳，  
一枝不借却飛還。

三枝芍藥古今情。陳相雲山閣又成長。劍倚天休北望，  
春來風雨幾時晴。

忽幻荆榛成海市。重來心目並春暉。三山入望松筠在，  
雙樹無言歲月非。

清風遠近引三山。夜出東園進水關。扶下蘭舟見新月，  
留人擊斷玉連環。

去揚州

梨花夢裏是香雲。夜半牕前細雨聞。夢覺便成南浦別，

露翻紅藥落紛紛

贈江賓谷卽題於擁書圖後

三首

秋山古樹月微涼  
茅舍螢飛四壁香  
夢裏不知老將至  
浮雲萬里一江郎

滿胸宮錦歎囊錢  
二十年餘校錄天  
莫道於今無用處  
鄴侯自說是真仙

飄蓬方底更無餘  
性癖空耽作蠹魚  
圖外更無百城路  
北風雨雪莫移居

留別賀吳村

春堂春雨遍春闈  
春酒長春座上樽  
帆影東飛西漢口

揚州二載一吳村

朝日春風暮雪天  
萋菲成錦玉成烟  
八旬始得還鄉里  
海內交遊五十年

絕句二首

浮萍無地路漫漫  
夢逐清風出塞寒  
終古空情滄海澗  
百年餘運月華殘

有日明題處士碑  
河山雨洗是良時  
一生懷抱清秋月  
花滿中原草木知